

# INUIT ATAQATIGIIT

## INATSISARTUNI



Nuuk, 12. august 2015

Inatsisartut suleriaasianni § 37 najoqqutaralugu Naalakkersuisunut apeqquteqaat ingerlateqqippara:

- 1. Ulloq unnuarlu meeqqanut inuusuttunullu inissiisarfinni inissinerni kaasarfimmiussat atisanullu aningaasat atugassat assigiinngitsumik inissisimani sunik tunngaveqarpa, tamatumani meeqqat inuusuttullu inissineqarsimasut ulloq unnuarlu inissiisarfimmi aammalu innarluutilinnut ulloq unnuarlu inissineqarsimasunut?**
- 2. Suut tunngaviusut imaluunniit malittarisassiat suut kaasarfimmiussanik atisanullu aningaasat atugassiat toqqammaveqarpat?**
- 3. Qanga kingullermik aningaasat annertussusilerneqarneri aqqiissuteqarfigineqarpat qaqugulu aqqiissuteqartoqarnissaa ingerlateqqinneqassava suullu tunngaviit aallaavigalugit tamanna ingerlanneqassava?**
- 4. Pisuni ima pisoqarsimappat angajoqqaajusoq ataaseq imaluunniit angajoqqaajusut marluullutik inissineqarsimasumut meeqqamut akiliuteqartarpata assersuutigalugu qaammammut 2.000 kr.-inik, pisut aallaavigalugit meerartik pilersorusullugulu aningaasatigut akissusaassuseqarfigerusullugu inissisimappat, kaasarfimmiut aammalu atisanut atugassat annertussusaanut kinguneqassava, tamatumani pisortat inissineqarsimasumut akiliuteqartarnerinut?**
- 5. Kalaallit Nunaani meeqqat inuusuttullu 18-it inorlugit ukioqartunik pilersuinerit qanoq aningaasatigut naleqarneri pillugit misissuisoqarpa?**  
(Inatsisartuni ilaasortaq Juliane Henningsen, Inuit Ataqatigiit)

### **Tunngavilersuut:**

Meeqqat inuusuttullu angerlarsimaffiup avataanut inissineqartut kaasarfimmiussanik atisanillu pisiniutissanik tunineqartarput. Tamatumani inuusuttut assersuutigalugu atisanik, oqarasuaatinik nassartakkanik, tusass, atuagaasivik, timersuutissanik eqqiaatinik assigisannullu atugassanik.

Paasivara meeqqat inuusuttullu nunatsinni ulloq unnuarlu angerlarsimaffinnut inissineqarsimasunut meeqqanut inuusuttunullu 16-it inorlugit ukiulinnut ulloq unnuarlu (pr.døgn) 36 kr.-isisartut (missingerlugu 1080 kr.-it qaammammut, inuusuttullu 16-iniit 18-inik ukiulinnut ulloq unnuarlu (pr. døgn) 42 kr.-isisartut (missingerlugu 1260 kr.-it qaammammut). Ukiorpasuillu sunik peqquteqarsimanersunik aqqiissuteqarfigineqarsimangillat.

Ulloq unnuarlu inissiisarfii ukiumoortumik nalunaarusiaanni 2014-imi ersersinneqarpoq kaasarfimmiussat atisanullu aningaasat atugassiat appasippallaartumik inissisimatinneqartut,

minnerunngitsumik isigissagaanni isigissagaanni aningaasartuutit suut matussusissaneraat isigissagaanni.

Politikikkut qitiulluinnarpoq nunami inuuniarnikkut atugassarititat ataavartumik ilisimasaqarfiginissaat.

Taamaammat pingaaruteqarluinnarpoq nunatsinni aningaasartuutit maannarpiaq inissisimaffii toqqammaviusut pillugit paasissutissanik pissarsinissaq, tamatumani aningaasartuutit aalajangersimasut akilersornerini aningaasat qanoq annertugineri soorlu inigisamut akiliutit, imeq, kiassarneq, sillimmasiinerit, aammalu ullormut naammaginartunik kissartutugassaqarnissamut, tamatumani ullaakkorsiutit ullup qeqqasiutillu saniatigut, ukiup qanoq ilinera najoqqutaralugu naammaginartumik atukkorsinnaanissaq, aammalu pisinnaasamillu killilimmik inuiaqatigiinni kulturikkullu inuunerni peqataanissamut akissaqarnissat ilanngullugit. Inuuniarnissamut aningaasartuutit isertitatigullu pisutsit atuuttut inissisimanerillu sanillersuussinnaasariaqarpagut nunatsinni sinerissami tamani.